

8 დეკემბერი / 2023

N: ADA-75

საქართველოს საკანონმდებლო მაცნეს

საქართველოს ზოგადი ადმინისტრაციული კოდექსის 49-ე მუხლის შესაბამისად, გამოქვეყნების მიზნით, წარმოგიდგენთ სსიპ „ანაკლიის ღრმაწყლოვანი ნავსადგურის განვითარების სააგენტოს“ 2023 წლის ანგარიშს, რომელიც მოიცავს შემდეგ ინფორმაციას:

- საჯარო დაწესებულებაში შესული საჯარო ინფორმაციის გაცემისა და საჯარო ინფორმაციაში შესწორების შეტანის მოთხოვნათა რაოდენობა და მოთხოვნაზე უარის თქმის თაობაზე მიღებულ გადაწყვეტილებათა რაოდენობა;

სსიპ „ანაკლიის ღრმაწყლოვანი ნავსადგურის განვითარების სააგენტოში“ (შემდგომში „სააგენტო“) შემოსულია 3 განცხადება საჯარო ინფორმაციის გაცემის შესახებ, რომელთა შორის 2 განცხადების მოთხოვნა არ დაკმაყოფილდა. საჯარო ინფორმაციაში შესწორების შეტანის მოთხოვნით სააგენტოში განცხადება არ შემოსულა.

- მოთხოვნის დაკმაყოფილების ან მოთხოვნაზე უარის თქმის შესახებ მიღებულ გადაწყვეტილებათა რაოდენობა, გადაწყვეტილების მიმღები საჯარო მოსამსახურის ვინაობა;

სააგენტოს მიერ საჯარო ინფორმაციის გაცემის მოთხოვნის დაკმაყოფილებაზე მიღებულია სულ 1, ხოლო მოთხოვნის დაკმაყოფილებაზე უარის თქმის შესახებ მიღებულია სულ 2 გადაწყვეტილება. გადაწყვეტილების მიმღები პირი - სააგენტოს დირექტორის მოადგილე, საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულ გამოქვეყნებაზე პასუხისმგებელი პირი - ქეთევან გოგუა.

➤ საჯარო მონაცემთა ბაზებისა და საჯარო დაწესებულებათა მიერ პერსონალური მონაცემების შეგროვება, დამუშავება, შენახვა და სხვისთვის გადაცემა;

სააგენტოში პერსონალური მონაცემების გამოთხოვის შესახებ მოთხოვნა არ შემოსულა. ასეთი ინფორმაციის მოთხოვნის არსებობის შემთხვევაში პერსონალური მონაცემების შეგროვება, დამუშავება და შენახვა ხორციელდება „პერსონალურ მონაცემთა დაცვის შესახებ“ საქართველოს კანონის შესაბამისად.

➤ საჯარო მოსამსახურეთა მიერ ზაკ-ის მოთხოვნების დარღვევის რაოდენობა და პასუხისმგებელი პირებისთვის დისციპლინური სახდელების დადება;

სააგენტოს საჯარო მოსამსახურეთა მიერ ზაკ-ის მოთხოვნების დარღვევისა და პასუხისმგებელი პირებისთვის დისციპლინური სახდელების დადების ფაქტს სააგენტოში ადგილი არ ჰქონია;

➤ ის საკანონმდებლო აქტები, რომლებსაც საჯარო დაწესებულება ეყრდნობოდა საჯარო ინფორმაციის გაცემაზე უარის თქმისას;

სააგენტოს მხრიდან საჯარო ინფორმაციის გაცემაზე უარის თქმა განხორციელდა საქართველოს ზოგადი ადმინისტრაციული კოდექსის მე-10 მუხლის პირველი ნაწილის, 27 მუხლისა და 28-ე მუხლის პირველი ნაწილის შესაბამისად.

➤ საჯარო ინფორმაციის გაცემაზე უარის თქმის შესახებ მიღებული გადაწყვეტილების გასაჩივრება;

სააგენტოს მიერ საჯარო ინფორმაციის გაცემაზე უარის თქმის შესახებ მიღებული გადაწყვეტილება არ გასაჩივრებულა.

➤ საჯარო დაწესებულების მიერ ინფორმაციის დამუშავებასა და გაცემასთან, აგრეთვე საჯარო ინფორმაციის გაცემაზე უარის თქმის შესახებ მიღებული გადაწყვეტილების გასაჩივრებასთან დაკავშირებული ხარჯები, მათ შორის, მხარის სასარგებლოდ გადახდილი თანხები.

სააგენტოს მიერ ინფორმაციის დამუშავებასა და გაცემასთან, აგრეთვე საჯარო ინფორმაციის გაცემაზე უარის თქმის შესახებ მიღებული გადაწყვეტილების გასაჩივრებასთან დაკავშირებული ხარჯები სააგენტოს არ დაკისრებია და შესაბამისად, სააგენტოს მხრიდან არ გაღებულა;

პატივისცემით,

დავით ჯავახაძე  
დირექტორი